

498

8 del Conseio di Pregadi.

† Sier Benedeto Marin qu. sier Marco, triplo, ducati 300	468.268
Sier Bernardo Donado fo sinico et avogador di terra ferma, qu. sier Zuane, dopio, duc. 300	360.363
Sier Sebastian Renier fo ai X officii, qu. sier Giacomo, triplo, ducati 200	417.324
† Sier Priamo Malipiero fo conte in Arbe, di sier Dionise, dopio, ducati 400	548.161
Sier Marco Erizo qu. sier Zuane, triplo, ducati 300	374.357
† Sier Marco Balbi qu. sier Beneto, dopio, ducati 300	516.226
Sier Hironimo da cha' da Pexaro fo proveditor sora i daci, fo de sier Nicolò, quatruplo, duc. 200	374.371
Sier Zuan Malipiero qu. sier Polo da santa Maria Formosa	200.516
† Sier Andrea Arimondo dal Banco fo consolo in Alexandria, qu. sier Alvise, triplo, ducati 300	398.335
† Sier Antonio Michiel fo camerlengo in Cypri, qu. sier Piero, ducati 300	472.258
Sier Anzolo Tiepolo qu. sier Bernardo, ducati 300	256.479
Sier Lorenzo Loredan è di Pregadi, qu. sier Nicolò	265.461
† Sier Antonio Erizo qu. sier Batista, ducati 300	403.337
† Sier Alvise Bernardo qu. sier Antonio dotor, cavalier, duc. 300	378.361
Sier Alvixe Bon fo proveditor sora le fabriche di Padoa, qu. sier Hironimo, ducati 300	377.358
Sier Giacomo Pixani fo a le Raxon vecchie, qu. sier Domenego el cavalier, ducati 200	372.368

1 del Conseio di XL Zivil Nuovo senza oblation di danari.

Sier Francesco Nani fo camerlengo a Treviso, di sier Alvise	246.472
Sier Sebastian Pizamano fo a la zeca di l'oro, qu. sier Giacomo	303.421

Sier Batista Zorzi di sier Nicolò, fo camerlengo a Treviso	273.452
† Sier Alvise Balbi fo proveditor di Comun, qu. sier Marco	585.140

Da poi disnar fo Pregadi, per far li Savii et tuor la Zonta; et prima fono leete tutte queste lettere:

Di sier Zuan Moro proveditor di l'armada, date a Napoli di Romania, a dì 22 Agosto. Come, per le altre scrisse haver mandato a Negroponte a dir a quel chadi et schiavo del Signor turco le fuste erano in ordine et dovesse venir a tuorle che lo faria acompagnar fino li; el qual li ha reseritto, et manda la lettera, come el non vol venir; et è stato li 50 zorni ad aspettarlo. Et l' homo del Baylo venuto con lui è amalato; pertanto esso Proveditor convien levarsi con le dite fuste et robe et condurle vicino a Negroponte. Et la galla Contarina stata in Cypro è zonta, ma la Zorza veniva et si vedeva in mar; sichè con la galla Bona et Barbariga di Candia andarà a far tal effecto, et fin tre zorni si partirà; et ha scritto al schiavo lo aspetti.

La lettera di Negroponte, del schiavo del Signor al Proveditor di l'armada. Scrive come non pol venir a tuor le fuste; et l' homo del Baylo è amalato, et è stà 50 zorni li ad aspettarle, et si non fosse per amor di missier Andrea Gritti saria tornato a la Porta et fato arz al Signor di questo; però siano condute le fuste et la roba.

Da Crema, di sier Piero Boldù podestà et capitano, di 27, hore 22. Come, in execution di le lettere scrittoli, fo dal signor duca di Milan, dicendoli saria bon el mandase uno in Franza a exortar il Christianissimo re a continuar a la recuperation del suo Stato, però che la Signoria nostra non è per mancar etc. Et cussì hozi è stato da Sua Excellentia, et exposto il tutto disse faria tutto quello vol la Signoria nostra da la qual conoseva la recuperation del suo stato, et cussì havia in animo di far et più volentiera adesso expediria uno suo in posta. *Item*, li parlò zerca li foraussiti per il cardinal Triulzi et Zuan Clemente Stanga. Disse era contento di far quanto voleva la Signoria nostra.

Di campo sotto Cremona, del proveditor general Pexaro, di 27, hore 4. Come fo mandate le tre compagnie verso Pizigaton sicome disse voler far, et intrate in li borghi, quelli dentro fono a le man et ne amazono 5 di nostri. Solo la fortuna volse che Zorzi Vaylà contestabele valoroso tirandosi soto fo da uno moschetto ferito nella faza, el qual si tien